

E X P L V T A R C H O
D E N V G A C I T A T E
O P V S C V L V M H O C V E R,
T E B A T I O A N N E S
L A V R E N T I V S
V E N E T V S.



EXPLVTA WCHO

DE NADACITATE

ORVSCVLVM HOC VER

TEBAT IOANNES

LAURENTIVS

VENETIS

PLVTARCHVS DE NVGACITATE
INTERPRETE IO. LAV-
RENTIO VENETO.

Em omnino grauem, difficilemq; suscipit
r Philosophia, dum nugacitatē sanare uelle
profitetur. Eius enim medicina, & pharmā-
cum sermo est, qui ad audiētes pertinet. nugaces uero,
dum semper loquuntur, neminem audiunt, & primum
hoc, peculiareq; nugacitati uitium inest, quia non au-
dit. Voluntaria nanq; surditas quibusdam hominibus
innata est, quos naturæ succensere puto. q; linguam uni-
cam, aures habeant geminas. Idcirco si ad impruden-
tem auditorem eleganter dixit Euripides,
Nihil tenentem complere haud possem satis,
Sermone docto fatuum perluens uirum.
Longe commodius ad nugatorem, uel de nugatore
potius, dicere quis posset,
Nihil admittentem complere haud possem satis,
Sermone docto fatuum perluens uirum.
Vel ut rectius dicamus, circūfundens, homini ad eos
qui non audiunt, loquenti, eos uero qui loquuntur non
audienti. Nam & si paruum aliquid audiuerit, illud nu-
gacitas tanquam inundationem quā primum suscipit,
ac longē abundantius reuomit. Porticum illam olym-
picam unica tantum uoce plurifariam reuerberantem,
septiuocam appellauere. At nugacitatem etiam si bre-
uissimus titillauerit sermo, statim contra resonat. Mo-
uētq; chordas animi immobiles prius, & fortasse dubi-

tari posset, an loquacibus, non in animum, sed in linguā
auditus sit perforatus, ac propterea cum apud alios uer
ba resideant, a nugatoribus cōtinuo effluunt, quapro
pter tanquā uasa uacua, & sine mente, tinnitus pleni cir
cūferuntur. Si igitur intentatum nihil prætermittens
dum est, Nugaci dicamus licet,

Silere oportet, multa nam fili bona

Præstat tacentis lingua continens uiri.

Duo uero præcipua, & maxima, audire scilicet, atq; au
diri, quorū neutrum assequi nugatores possunt. ea & n.
in re quam maxime cupiūt, infelices sunt, in aliis quip
pe animi ægritudinibus, ut auaritia, gloriæq; aut uolu
ptatis cupiditate, quo saltē optāt homines, perueniūt.
Nugacibus uero hoc præcipue molestissimum euenit,
quod cum auditores maxime habere cupiant, non inue
niūt. Vnusquisq; enim eos concito gradu fugit, & si for
te in hemicyclo sedentes, uel deambulantes aliqui nu
gacem, eūdem ad locum aduentare cōspexerint, quasi
castra mouēda sint, alter alterum, ut celeriter discedat,
hortatur. & quemadmodum in conuentu aliquo, dum
taciturnitas quædam subita homines occupat, superue
nisse Mercurius dicitur, sic etiam cum in symposium,
confectumq; familiarium, nugator intrauerit, continen
tissime silentium seruant. Timent enim ne loquēdi cu
pido ansam præbeant. Si uero os ipse aperire coeperit,
tanquam ex maritima aliqua specula boream spirare ui
derint, fluctuationem, nauseamq; futuram suspican
tes, e loco discedunt. Quapropter etiam usu uenire so
let, ut dum inuitati ad coenam ueniunt, apud eos libe

ter sedeat nemo, & dum peregrinantur, aut nauigant,
homines non sponte, sed coacti eodem nauigio, aut
cubiculo permaneant. Adiacet enim ubiq; ac modo
apprehensis uestibus, modo barbam uellicans, non
nunquam latus manu percutiens inhæret. Ea igitur (ut
Archilochus ait) tempestate, pedes maximo sunt pre-
tium. & mehercle sapiens Aristoteles idem sensit, nam
& ipse importuna cuiusdam loquacitate moleste affe-
ctus, & absurdis eius narrationibus uerberatus, cum ille
identidem inculcaret, nonne hoc tibi minum uide-
tur Aristoteles? non hoc (inquit) mirum, sed illud,
siquis pedes habeat, te perpeti possit. Alterique hu-
iuscemodi moribus prædito, cum post multos lon-
gosque sermones, subiecisset, nugatus sum tecum phi-
losophe, non per Iouem respondit, ad ea enim quæ
dixisti, mentem non adhibui. Et si quando nugaces ut
audiantur, nobis intulerint uim, animus aures uerbis
solum exterius circūfundendas accommodat, ipse uero
interius alias cogitationes secū percurrit, & uersat. Eam
ob rem intentis credulisq; auditoribus haud quaquam
abundant. utque eorum qui ad res uenereas proni, faci-
lesque sunt, semen haud omnino genitale creditur, ita
nugacium sermo imperfectus est, & minime fructuo-
sus. Et tamē nihil firmiore uallo natura, quam linguam
in nobis munisse uidetur, quippe quæ eam obiecto
ante ipsam dentium præsidio coercuit, ut si quando
rationi habenas quatienti non obtemperauerit, nec con-
uersa redierit ad officium, sanguinem morfu elicien-
tes eius intemperantiam continere possimus. Neque

enim aerarii, domusq; non clausæ, sed effrenis linguæ
extremum finem, infelicitatem occupare, scripsit Euri-
pides. Qui uero domum sine foribus, uel marsupium
non ligatum possessori nihil conferre posse putat, ore
autem non obsignato, sed tanquã Ponti ostio, quod
semper exterius effluit, patente utuntur, rem omniũ ui-
lissimam, humanũ sermonẽ æstimare uidentur. Idcir-
co nec fidem quã omnis affectat oratio assequuntur, pe-
culiaris & n. propriusq; eius finis est, fidẽ uerbis astrue-
re. Nugacibus autem etiam si uera dixerint, nullus cre-
dit. Vt. n. frumentum uasẽ cõstrictum cumulationis mẽ-
suræ inuenitur, usu autem pessimum est, sic sermo qui
in hominem loquaciorem iciderit, cumulationis men-
dacii mensuram reddit, cuius causa fidẽ sibi ipse abro-
gat. Quod autem omnis, qui modo uerecundus, & mo-
deratus esse uoluerit, uinolentiam caueat, manifestum
est. Furoris. n. ut quidam dicunt, comes est iracundia,
ebrietas autem cõtubernalis, uel ut rectius dicamus, in-
sania est, tempore breuior. Sed quoniam uolũtaria est,
propterea maior, spontanea etenim in ea electio inest.
In hac igitur ebrietate nihil magisquam uerborum pe-
tulãtia, & incertitudo sermonis uituperatur.
Bacchus. n. inuitat, siadet qui sæpe canendo,
Dulcibus atq; iocis, molles iterare choreas,
Et blando risu sapientibus ora resoluit.
Et quid grauius? cuiusq; comparatione, saltatio, risus,
iocusq; nihil est: id scilicet quod subditur.
Quæq; tacenda forent melius, uulgare coegit.
Hoc iam intolerabile, periculoq; plenum est, & fortasse

quod apud Philosophos iam diu quæritur, hisce uer-
bis Poeta soluit, potationis uidelicet, ebrietatisq; di-
uersitatem significans. potu. n. remittitur animus, ebie-
tas in nugacitatem incidit. Id. n. quod sobrii hominis
corde seruat, in ebrii lingua residere solet, ut aiunt, qui-
bus prouerbia colligere studium est. Idcirco Bias cum
in Symposio taceret, proptereaq; tanquã simplex, ru-
disq; a nugatore quodã taxaret, Et quis natura (inquit)
fatuus inter uina silere potest? Athenis etiam dum re-
gios oratores quidam conuiuio suscepisset, sciretq; eos
uirtutis studiosos esse, omnem adhibuit diligẽtiam, ut
eundem in locũ Philosophos congregaret. cumq; mu-
tuis inuicem sermonibus colloquerentur, & quasi per
symbolum uerba conferrent, solus inter omnes quiesce-
bat. Zeno, cui blande compellato, dum legati propi-
nassent, dixere, & te Zeno, Regi quidnam dicturi su-
mus? Et ille, nihil inquit aliud, nisi Athenis senem esse,
qui in potu silere nouit. adeo profundum, sobriumq;
mysterium taciturnitas est. Ebrietas autẽ meræ nugæ,
ut pote cum sine iudicio & cura sit, proptereaq; in mul-
tas panditur uoces. Philosophi etiam ebrietatem cum
definiunt, nugacitatem in uino esse aiunt. Idcirco pota-
tio probrium non est, si inter uina silentium adsit. Stul-
ta. n. confabulatio ex potu uinolentiam parit, & tamen
ebrius in uino solum. at loquax ubiq; nugatur, in foro,
in deambulatione, in theatro, i. comotatione, die, no-
ctiq; ægroto assidens, i. firmitate ipsa grauior est, simul
nauigans nausea molestior, laudans uituperate impor-
tunior, iucundiorq; est nequam hominis, sed tempe-

stui, quam boni uiri, sed nugacis consuetudo. Nestor ille Sophocleus Aiacem excandescens mitigans, moraliter dixit, tibi non succēso, qui cum bene facias, male loqueris. Erga nugacem uero, non eo quo Nestor erat, affectu sumus, sed omnem operæ quam exhibet gratiam, sermo intempestius corrumpit, ac perdit. Lysias cuidam causam dicturo, orationem tradidit scriptam, quam ille cum sæpe legisset, ad eum rediit dolens, atq; sibi cum primum orationem percurrisset, admirabile, cum uero iterū, ac tertio in manus sumpsisset, sine ulla omnino uehementia uisam. Cui arridens Lysias, nonne (inquit) semel tantum coram iudicibus dicturus es? & tamen Lysias gratiam, persuadendiq; artificium ignorat nemo. cum enim ego affirmare ausim, omnes Musarum ueneres, suauitateq; sortitum. Illud etiam quod de Poeta dicitur, uerissimum est. Solus, n. Homerus hominum superauit satietatem, adeo ubiq; nouus reperitur, & recenti gratia ubiq; præditus floret. Is tamē dum de seipso quodammodo exclamat,

Displicet acta prius iterum inculcare loquendo.

Fastidiū, quod omni immodicæ locutioni assidet, euitare, & cauere uoluisse uidef. atq; ita ex uno in alterq; transiens argumentū, mulcet auditore, ac narrationū multiplici nouitate, satietatem declinat. Nugaces uero idem semper iuculantes obtundūt aures, tanquā palimpsesta delentes. In hoc igitur primū admonendi sunt, q; sicut uinū uoluptatis, conciliandæq; iter amicos beneuolentiae causa, alioqui inuentū, si quis multū, merūq; bibere coegerit, homines ut plurimum ad nauseam, uinolens

tiamq; conuertit, ita etiam sermo, cum rerum omnium
suauissimus sit, maximeq; ad conciliandos inuicem ho-
mines inuentus, qui eo male, inepteq; utuntur, inhumana
num insociabilemq; efficiunt. His. n. quibus gratificari
se putant, molestiam inferunt, ex his quibus hominum
erga se admirationem cōcitari existimant, derisui sunt;
ac per quæ diligi, amariq; sperant, fastidio habētur. Ut
igitur cello præcinctus, eos qui ad gratiam uersantur, si
fastidiat, & repellat sine Venere, sic etiam qui nugādo
molestus, & propterea odio dignus est, rusticus, inelegansq;
omnino habetur. Illud etiam animaduertendū
q; animi ægritudines, alixq; affectiones, uel periculum,
uel odium, uel irrisiōem secum asferre solent. In nugā-
citate uero simul insunt omnia. deridētur enim quoniā
cum omnibus cōmunicant. odio habentur, quia mala
nuntiant. periclitantur, quoniam secreta non cōtinent.
Quapropter Anacharsis apud Solonem inuitatus, cum
obdormiuisset, sinistrā uirilibus, dexterā ori applicuisse
reperitus est, fortiore & enim nexu linguam coercen-
dam existimabat, & id quidem recte. Nemo enim faci-
le tot homines rei uenerex intemperantia lapsos enu-
merare posset, quot Ciuitates, & principatus, secreta in
publicum diuulgata funditus euertere. Athenas obside-
bat Sylla, nec ei diutius permanendi eo in loco super-
erat ocium. Siquidem hinc Mithridates, qui Asiā Ro-
manis eripuerat, inde Marius, eiusq; fastidio, quæ urbem
iterum occupauerat, hominē urgebant. sed cum senio-
res quidam intra Athenas, apud tonstrinam colloque-
rentur, incidit iter eos sermo, q; Heptachalcū minime

custodireſ; periculumq; eſſe, ne urbs ea ex parte capere
tur, quæ uerba exploratores qui aderant cum audiſſent,
Syllæ retulerunt. At ille ſtatim exercitu congregato, cir
citer noctis medium, per eum locum in urbem milites
introduxit, paulumq; abſuit, quin eam deleret, cæde
tamen, & cadaueribus compleuit adeo, ut ſanguine Ce
ramicum fluxerit. Erat autem ille Athenienſibus ob di
ſta potius quã facta iratior. Probra enim in eum & Me
tellam, in muris ſaltantes iactabant, Sylla ſurſure morus
aſperſa eſt. ac pleraq; alia huiuſcemodi nugantes pro le
uiſſima (ut Plato inquit) uerborum petulantia, intolera
bilem mulctam perpeſſi ſunt. Urbem quoq; Romã ne
a Neronis ſeruitute in libertatem aſſeretur, hominis
unius nugacitas prohibuit. Vnica ſupererat nox ſecũdũ
quã præparatis omnibus, Tyrannum interfici oportebat.
Is autem qui eum interficiendũ ſuſceperat, in thea
trum proficiſcens, cum hominem in uinculis apud fo
res ut Neroni exhiberetur, qui fortunã calamitatemq;
propriã plorabat, uidiſſet, propius acceſſit, & iſuſurrãs,
Deos (inquit) bone uir ora, ut hodierna hæc dies ſolũ
pertranſeat, nam cræſtina mihi gratias ages. Ille autem
obſcure ſignificatã occaſionẽ arripuit, & ſecum (ut pu
to) cogitans, ſtultum eſſe pro incertis, certa relinquere,
tutiorẽ potius ſpem ſalutis, quã iuſtiorẽ elegit. Ac
uerba hominis illius Neroni detulit, qui ſublimis ra
ptus quam primum eſt, & ſtatim quæſtiones ignis, uer
beraq; admoventur, ut quod nulla urgente cauſa uul
gauerat, & tunc, quãquã tormentis coactus negabat, cõ
fiteretur. At Zeno philoſophus, ne cõiurationis ſecre

tum, etiam inuitus tormentorū uiolentia cogeretur fa-
teri, excisam mordicus linguā, in tyranni faciem expuit.
Læna etiam honestissimum huiusce continentiae præ-
mium habet. Ea erat meretrix Harmodio, Aristogytō-
niq; familiaris, quæ coniurationis in tyrānos particeps
cum esset, nihil aliud utpote mulier, nisi spem commu-
nicare poterat. nam ipsa quoq; eodem quo illi, amoris
pulcherrimo cratere bacchabatur, & ad secreta fidiissi-
me tenenda, ipsius cupidinis interuētū iniciata erat. Vt
igitur ambo aduersa usi fortuna interfesti fuere, capta
est. & dum ab ea per tormenta exquireretur, ut coniura-
tionis participes, qui ignorabantur, deferret, neminem
nominauit. sed forti, constantiq; animo prædita, osten-
dit nihil se ipsis indignum tantos uiros fecisse, quoniā
talem amauerant. Atheniēses uero Lænam ex ære elin-
guem fecerūt, ac pro foribus arcis dedicauere, ut ex ani-
malis uehementia & impetu animi, eius insuperabilem
constantiam, q; linguam haberet nullam, taciturnitatis
mysterium figurarent. Nullum enim uerbum unquam
dictum tam profuit, quam multa nō dicta. quod enim
tacetur, proferre cum placuerit, licet. quod prolātū est,
taceri non potest, sed effunditur undiq; ac diuulgatur.
Idcirco sermonis homines, silentii pceptores habemus
deos, id quod ex secretis mysteriis, sacrisq; pcepimus.
Vlyssēm hominē eloquentissimū, maxime omniū taci-
turnū inducit poeta, filiū quoq; eius & uxore, ac postre-
mo nutrice ipsam similiter. audis enim eam dicentē.
Vt ferrum, & quercus tanquā prædura manebo.
Et ipse Penelope assidens.

Vxoris lachrymas animo miseratus amaras,
Ast oculos, tanquā ferrum, cornuq; tenebat
Immotos.

Adeo corpus eius undiq; constantia & fortitudine se-
ptum erat. & ratio omnia sibi obtemperatā subiectaq;
fecerat, ut oculis, ne fleret, linguæ, ne loqueretur, cordi
ne tremere, aut latraret, p̄scribere posset. Iquit enim,
Olli cor patiens, fixum, immotumq; manebat.

Nam usque ad irracionales motus ratio penetrabat, Ita
ut spiritum sanguinemq; dicto parentem, & mansuetū
sibi ipse reddidisset. Tales etiam ex sociis eius plerique.
Quod enim a Cyclope lacerati, pauimento allisi, nihil
de Vlyssis cōsilio dixerint, quod igne duratum, præpa-
ratumq; ad effodiendum lumen, instrumentū non ostē-
derint, sed potius crudi deuorari, quam secretū aliquid
propalare sustinuerint, constantiæ fideiq; argumētum
adeo magnum de se ipsis exhibuerunt, ut nihil amplius
addi possit. Quapropter nō male Pittacus. Cui cū Aegy-
pti rex uictimam misisset, utque optimam, pessimamq;
inde excerperet carnem, mandasset, linguam extraxit
& misit, tanquam scilicet bonorum omnium, malo-
rumq; instrumentum uel maximum esset. Ino autem
apud Euripidē de se magna fiducia profitetur, quod
ubi expediret, silere nosset, loqui uero cū tutum esset.
Qui enim generosa, uereq; regia educatione īstituti fue-
rint, tacere primum, postea loqui didicerunt. Antio-
chus rex ille magnus cum interrogaretur a filio, quan-
do castra moturus esset, times (īquit) ne solus tu bucci-
næ clangorem nō audias? Quid igitur? cui regnum re-

liscurus erat, secretam uocem cōmittere non poterat
poterat inquā, sed eum docere uoluit caute, continen-
terq; in huiusmodi se gerere. Metellus etiam senior
simile quiddam, dum exercitum haberet, interrogatus,
Si uestem (ait) meam huiusce secreti consciam esse existi-
marem, quam primum spoliatus, eam in ignem impo-
nerem. Eumenes cum audisset contra se aduentantem
Craterū, nulli ex amicis rem communicauit, sed Neo-
ptolemum esse eum qui ueniebat, mentitus est. Hunc
enim milites contemnebant, illius uero dignitatē admi-
rabantur, amabantq; uirtutem. Cum itaq; nemini secre-
tum hoc cognitum esset, congressi sunt, superatisq; ho-
stibus, Craterum quoq; ipsum nescientes interfecere,
mortuumq; demum cognouerunt. Atq; hoc modo ta-
citurnitas pugnam confecit, & talem tantumq; hostē,
ut ignoraretur, assecuta est. A deo ut Eumenem, quoniā
nihil antea communicasset, potius admiraretur amici,
quam aliqua in re, ei succenserent. & si quis etiam succē-
suisset, longe melius est seruari quempiā, & quasi nemi-
ni fidem habuerit, reprehendi, quam nimia facilitate
lapsum ruere, proptereaq; accusari. Et quis est qui lo-
quax ipse cum sit, locum, audaciamq; non tacentem re-
prehendēdi sibi ipse relinquat? Si enī quæ dicebas effe-
ri nō oportebat, cum altero, quare communicabas? Sin-
tu ipse dimittis, & secretum apud alium deponis? cum
tuam prostituas fidem, ad alienam confugis? Quod si
tui similis ille fuerit, iuste periclitaris. Si melior, præ-
ter rationem bene tibi succedit. Quippe qui alterum te
ipso fideliozem experiris. Sed hic ais, amicus meus est.

Huic etiam aliquis alius amicus erit , cui credet , ut
huic ego, & ille rursus alteri, hocq; modo intemperan-
tia crescente , sermo pullulat, atq; diffunditur. Vt enim
unitas fines non transcendit suos, sed semper unum est,
iccircoq; unitas appellatur. Dualitas autem differentiz
principium indeterminatum est , quamprimum enim
se ipsam duplicando disiungit, in pluralitatem conuer-
titur. Sic etiam uerbum quousq; apud primum perma-
net, secretum re uera est , Si ad alterum transfertur, iam
famæ nomen sibi uendicat. Verba uolantia esse ait Poe-
ta, utq; uolatile, si quis manu eniserit, non facile iterum
recuperat, ita etiam sermo ex ore iactatus contineri, alli-
gariq; non potest. sed celeres per circuitû pennas qua-
tiens, ex aliis, ad alios diuulgatus fertur, & uolat. Cum
uehementiore uentorum impetu rapitur naus, iactis an-
choris, & iunco fascibus inuolutis, cursum retinent. At
sermo postquam excurrere tanquam e portu coeperit,
nec anchoræ iactu, nec statione retinetur. Sed strepitu,
sonituq; multo concitus, uig; coactus rumpitur, & cum
eius qui locutus est, periculo mergitur. iccirco,
Parua ex fauilla posset idæum nemus
Ardere, si quis uellet, hoc credas mihi,
Vniq; dictum ciuitas omnis sciet.
Senatus Romæ secretum quoddam rei dubiæ , per plu-
res dies agitabat. cumq; res illa multam suspicionem,
incertitudinemq; habere uideretur, foemina quædam,
quantum ad alia attinet, modesta, & pudica, sed tamen
foemina, apud uirum summis precibus, blandiciisq; in-
stabat, ut secretum communicaret, iuramēta, imprecas

tiones, & lacrymæ de taciturnitate seruanda continen-
ter aderant. Videbatur enim maxime anxia esse, ac mo-
leste ferre, quasi uir ei fidem haberet nullam. At Roma-
nus mulieris simplicitatem redarguere cum uellet, uim
mihi (inquit) infers uxor, & uincis. sed audi terribile, hor-
rendumq; monstrum, quod sacerdotes nuntiauerunt. Co-
tumix galeam capite auream gestans, lanceamque fe-
rens, uolare uisa est. in magna propterea ambiguitate
etiam cum auguribus uersamur, boni ne, an mali ali-
quid, ostentum portendat. Tu uero tace. Et hoc di-
cto in forum ibat. Mulier prima ex ancillis quæ forte
ingressa erat arrepta, pectus uerberare, crinesque ipsa
præsentē, lacerare coepit, heu mi uir, heu patria, idem-
tidem clamans, quidnam calamitatis patiemur? uo-
lens quodammodo ancillam docere, ut quid noui eue-
nisset, interrogaret. Vt igitur interrogata narrauit omnia,
& communem illam omnium nugacium addidit clau-
sulam, nemini dixeris, sed tace. Ancillula quam pri-
mum inde secessit, una ex conseruis quam ociosio-
rem uidit euocata, secretum cum ipsa communicauit.
Illa amatori suo qui aderat, retulit, ac deinde in forum
usque, res illa quasi circulo quodam reuoluta est, ita ut
eum qui rumorem finxerat, præueniret. occurrentē ei
ex familiaribus quidam inquit, nuper ne ex domo in
forum descendis? nuperrime ait ille. nihil igitur audi-
uisti? nihil. sed est ne aliquid noui? Cotumix cum lan-
cea, galeaq; aurea uolare uisa est, & hanc ob rem prin-
cipes ciuitatis Senatum habituri sunt. Ille uero ri-
dens bene, ac recte (inquit) uxor mea, cuius diligentia

effectum est, ut secretum in forum me citius, præcurrerit. Principes itaq; celeriter conuenit, & re (ut erat) narrata, ciuitatē metu, ac perturbatione liberauit, utq; mulierem ulcisceretur, cum primum rediit domum. Heus bona uxor perdidisti me, inquit. Secretum enim e domo nostra prodiisse in uulgus deprehendit Senatus. Idcirco incontinentiæ tuæ causa, mihi a patria exulandum est. Illa uero primum negare coepit, deinde dicere, nõ ne hæc cum trecentis hominibus audisti? quos mihi inquit ille, trecentos nugaris? cum mihi uim inferres, ut te perantiæ tuæ periculum facerem, omnia finxi. Hic igitur magna adhibita cautione, tanquā in uas minime syncerum, nõ uinum, oleumue, sed aquam infunderet, uxo rem tuto expertus est. Fuluius autem Cæsaris Augusti familiaris & socius, cum audisset eum iam senio grauē, ob desertam, orbatamq; domum ingemiscētem, quoniam duobus intempestiuo funere elatis nepotibus suis, & Posthumio, qui reliquus erat, calumniæ causa exulante, uxoris filium principatus successorem, instituere cogeretur, ideoq; pietate motus de nepote, ab exilio reuocando cogitabat, hæc Fuluius ut audiuerat, uxori suæ detulit. Illa uero Liuiæ protinus. Liuia igitur acerbissime apud Augustum cōquesta, si hæc (ait) iam pridem deliberaisti, cur nepotem ab exilio non reducis? cur me in odium, inimicitiamq; successorum principatus tui coniicis? mane autem dum pro consuetudine uenisset ad eum Fuluius, dixissetq; Salue Cæsar. Sanus sis inquit ille Fului, quod resalutandi genus cum intellexisset Fuluius, quamprimū discessit, & recta in domū,

euocataq; uxore, Cæsar (ait) secretum quod communi
cauerat mecum, non tacuisse me percepit, ac propte-
rea me ipse interficere uolo, At mulier recte quidem
ait, cum enim tot annis tecum habitem, intemperantiã
nec cognouisti, nec obseruasti meam. sed dimitte me,
ut prius moriar, arreptoq; gladio se ipsam confodit,
uirumq; morte præuenit. Bene igitur comicus Philip-
pides, cum enim eum omni comitate Lisymachus Rex
prosequeretur, interrogaretq;, quid nam de rebus meis
tecum me participare cupis Philippides, ut lubet (ĩquit)
rex, dum tamen secretum aliquod non cõmunices me-
cum. At in nugacitate curiositas (quæ non minor est
morbus) inesse solet, multa etenim audire uolunt, ut
multa referre possint. & occulta secretioraq;, circum-
eundo, odorandoq; scrutantur, ac apud nugacitatem,
tanquam uetus aliquod lignorum pondus reponunt.
Et quemadmodum pueri glaciem, neq; cõtinere, neq;
dimittere uolunt, uel, ut rectius loquamur, dum secre-
tiores sermones tanquam serpentes sinu gestent, con-
tinere non possunt, postremo ab ipsis deuorantur. Vi-
peras atq; echidnas dum pariunt, dirumpi aiunt. At
sermo qui efferrī non debet, si in eos qui continere non
possunt, inciderit, in præcipitium trahit. Seleucus
cognomento Callinichus, cum in pugna contra Gal-
los exercitum amisisset, lacerato abiectoque diadema-
te, cum tribus quatuorue ad summum equo fugiens,
per loca inuia diu uagus cucurrit, & tandem cum la-
bore fameque fatigatus deficeret, ad uillam quandam
coactus accessit, cumq; dominum casu reperisset, panem

& aquam petiit. ille uero & hæc, & alia, pro ea copia quæ rustico in prædio erat, iucunde, abundanterque, nullo comitatis genere prætermisso, exhibuit. Cūq; Regē perspexisset, quisnam esset cognouit, ac uehementer lætatus est, quod fortuna in id necessitatis cōpulsum ad se potissimum detulisset. Exhilaratus igitur se ipsum cōtinere non potuit, nec Regi latere uolenti, una cum ipso mētitus est. sed cum usq; ad uiam, regē comitatus esset, ac discedere uellet, saluus sis (inquit) Rex Seleuce, & ille porrecta dextera quasi deosculaturus, hominem traxit, & simul uni ex his qui sequebantur, annuit, ut ceruicem eius gladio incideret.

Dum loquitur, terræ caput incidit ense reuulsum. Qui si ad opportunum usq; tacuisset tempus, cum paulo post Rex ad pristinam felicitatē, & maiorem rediisset, ubiores ex taciturnitate gratias, quam ex hospitalitate reportasset. hic tamen aliquam quodammodo incontinentiæ suæ occasionem, bene sperando hospitii causa habere uidebatur. Maior autem nugatorum pars, nullam ob causam seipsos perdunt, quale illud est, quod in tonsrina euenit. Cum enim inter assidentes de Dionysii tyrannide sermo incidisset, dicereturq; eam insuperabilem, & quodammodo adamantinam esse, arridens tonsor, hæc de Dionysio uos existimare non mediocriter (inquit) miror, cuius ego ceruici, paucis interiectis diebus, nouaculam superimpono. Hæc, ut audiuit Dionysius, hominem in crucem actum interfecit. Et certe ut plurimum tonsores omnes nugaces sunt. cum enim loquacissimi quiq; ad tonsri-

nas confluant, ibidemq; totos dies assideant, & nugen-
tur, ipsi quoq; nugandi consuetudine imbuuntur. Idcir-
co urbane admodum Archelaus rex, dum eum loqua-
tor tonsor linteis cicūelaret, crebroq; quomodo te
radi uis o Rex, percūstaretur, tacēdo, respondit. Cladē
etiam illam Atheniensium in Sicilia maximam, cū ton-
sor a cuiusdam qui inde euaserat seruo, apud Pyræum
audisset, primus nuntiauit. Relicta enim tonsrina,
cursu citatissimo, quasi ne ei gloria præriperetur time-
ret, ad urbem ascendit, ciuitatemq; statim compleuit
totā, orta q; ut æquum erat, pro rei magnitudine per-
turbatione, populus in concionem collectus, primos
huius nuntii, rumorisq; authores perscrutabatur. Addu-
ctus igitur tonsor est, cumq; interrogaretur, ne nomen
quidē eius, a quo id audisset sciebat, omniaq; ad igno-
tum, & innominatum quempiam referre. Vniuersa con-
cio ira percita acerrime ad prætorem clamare cœpit.
Tolle, torque, excrucia scelestum, componit enim &
fingit hæc. nam quis alius audiuit? quis credidit? affer-
tur igitur quamprimum rota, & extenditur miser. In-
terea ueri calamitatis nuntii aduenere, utpote cum ex
conflictu ipso euasissent. unusquisq; igitur ad domesti-
cas infelicitates deplorandas conuersus discessit. Ille in-
terea rotæ alligatus mansit, cūq; inclinato iam die tan-
dem aliquando solutus esset, tortorem identidem per-
cūstabat, an de Nicia qui exercitui præfuerat, & quo-
modo interfectus fuisset, aliquid audisset, adeo consue-
tudo irreprehensibile, ac inexpugnabile malum, nuga-
citatem reddit. Quemadmodum autem qui acerba

& male olentia pharmaca biberint, etiã ad calices ipsos
nauseare solent, sic qui mala nuntiare consueuerunt, au
dientibus molesti, odiosiꝑ sunt. Ideoꝑ cõmodissime
Sophocles dubitasse uidetur.

Animum per aures cur momordisti meas?

Meum dolorem concinne quid narras mihi?

Quicumꝑ factis lædit, offendit prius

Mentem, loquendo sed aures afficit dolor.

Quocirca non minus qui dicunt, quam qui faciunt do
lore afficere solent, & tamẽ dum lubricitate sua perfluit
lingua, neꝑ contineri; neꝑ reprehendi potest. Apud
Lacedæmonios Palladis æreum delubrum est, a, quo
etiam cognominatur. Id cũ quidam depeculati essent,
reperita est templi medio uacua lagena. facto itaq; po
puli cõcursu, erat apud complures ambiguitas eam ob
rem maxima. At ex astantibus quidam si uultis (inquit)
quid mihi de lagena hac in mentem uenerit, explicabo.
Existimo enim sacrilegos huiuscemodi homines, cum
tantum periculi adituri essent, aconitum bibisse, ac ui
num propterea secum detulere, ut si rem perficerent, &
latere possent, mero ebibito, & ueneni ui dissoluta, atꝑ
extincta, liberati discederent. sin ãterciperentur, expedi
to mortis genere, & sine doloris sensu, quæstiones, tor
mentaꝑ euaderent. Hæc cum dixisset, non eius qui cõ
iectura, suspicionibusue, in re dubia ãcertaꝑ niteretur,
sed omnia scientis, illis qui aderant, sententia hæc uisa
est. Idcirco undiq; circumstantes, alius hinc, alius inde
urgere, inquirere, tu quis es? quis te in hac urbe nouit?
unde nam hoc scire adeo præcise potuisti? ac demum

deprehensus, & irretitus undiq; se unum ex his qui sacri
legium perpetrauerant, esse confessus est. Ibici quoque
interfectores, nōne in Theatro sedentes eodem modo
intercepti fuere? Cum enim grues superuolarent, in ri-
sum soluti, alii insusurrabant. Ecce Ibici ultrices
adsunt. Quod uerbum a prope sedētibus exceptum, cū
longo iam tempore Ibicus non compareret, & quæ-
reretur, ad ciuitatis principes detulerunt. Hoc igitur pa-
cto redarguti, & in uincula coniecti, non gruius, sed
propriæ linguæ petulantia, tanquā furiis ultricibus agi-
tati, mortem ei intulisse cōfessi sunt. Vt enim ad partes
corporis male affectas, & dolentes, propinqua fluxu fe-
runtur atq; descendūt, sic nugacis hominis lingua, cum
semper inflammatione quadam pulsatur, ad sese occul-
tum, secretumq; aliquid trahit, & colligit. Quapropter
quasi obice quodam præmuniri eam oportet, ratio-
nemq; ualli, propugnaculiq; loco illi opponere, atque
hoc maxime artificio fluxum eius, labilem quæ intem-
perantiam coercere, ne anseribus insipientiores esse ui-
deamur. quas (aiunt) dum ex Cilicia Taurum montem
aquilis refertum superaturæ aduolant, satis magnum la-
pidem ore suscipere quasi claustrum, aut frænum ali-
quod garrulitati imponant, atq; ita noctu, latētesq; ma-
gno silentio superferuntur. Siquis percunctaretur, quis
omnium scelestissimus, perditissimuscq; inter homines
esset, nullus certe alium, quā proditorem proponeret.
Et tamen Euthycrates, ut ait Demosthenes, ex macedo-
nicis trabibus insignem erexit domū, Philocrates auri-
uim magnam accepit, quā scortando, obsonandoq;

profudebat. Euphorbo, ac Philagro, qui Eretriā pro-
didere, agros concessit Rex. Nugator autem sine ulla
omnino mercede proditor uoluntarius est. Et tamen
nec equitatum, nec muros ciuitatis prodit, sed solum
quæ secreta esse oportebat, in iudicio, in seditionibus,
in repub. effert. nullusque propterea gratias illi agit,
quin potius si auditorem habere potuerit, gratias illi se
debere ultro existimat, adeo ut quæ ad prodigum, qui
nullo adhibito iudicio sua proiicit, & donat, dicta sut;
Non tu benignus es, sed morbum pateris, donare gau-
des. ad garrulum commodissime transferri possunt. nō
propterea amicus es, quia hæc communicas, morbum
habes, nugari gaudes. Hæc autem admonitio, non
accusatio loquacitatis, sed medicina existimanda est.
Affectus enim nostros, iudicandi solertia & exercita-
tione superamus, sed iudicium præcedat oportet. Ne
mo enim assuefactione assequi poterit unquā, ut quod
non displicuerit prius, abhorreat animo. affectus uero
tunc abhorremus, quando probra, dispendiaq; ex ipsis
peruenientia mente, ac ratione perceperimus. Id quod
in præsentia usu uenire huiuscemodi nugatoribus ui-
demus, qui amari uolentes, odio habentur, gratificari
cupientes, molesti sunt. cum se in omnium admira-
tione esse existiment, deridentur. Qui cum nihil lucren-
tur, consumunt sua, in amicos iniusti cum sint, inimicis
profunt, & se ipsos perdunt. Quocirca prima hæc cura-
tio & pharmacum huiusce affectus erit, si turpia, si cala-
mitosa quæ a nugacitate proueniūt, cōsiderauerimus.
Secunda item medicina adhibenda est, ut quæ contra

*Remedia
garrulitatis:*

nugaces identidē dici solēt, meminerimus, ac in promptu taciturnitatis laudes tenuerimus, & quā graue, quā sanctū silētii arcanum sit, ante oculos habuerimus semper. Quodq; maiori admiratione apud homines sūt, & amantur magis, longeque sapientiores existimantur, qui rotunda breuitate utentes multum sententiæ modica dictione cōprimunt, & includunt, quā qui redundantes, & sine freno uerbosi sunt. Nā & Plato ipse tales p̄cipue laudat, eosque peritorū militū similes esse ait, qui crebra & sana, cōtortaque uerba loquuntur. Lycurgus quoque ad hāc dexteritatem, ciues statim a pueris assuefaciebat, ac taciturnitate quodāmodo cōprimens spissiores reddebant. Quēadmodū enim Celtiberi ex ferro ipso temperamentū faciunt, cū terræ defossum, quod in eo terrestre erat, expurgauerint, sic laconicus sermo corticē nō habet, sed eo quod superfluebat adempto, ad rem agendam quodāmodo incitatus acuit. Tale enī est apud eos orationis genus, quod breue, concisumque cū sit, opportuna conuersione adhibita, cōmode, & acute, ex diuturna silētii obseruatione in colloctionibus resultat. Hæc igit & similia nugacibus proponere necesse est, qualē, quantāque gratiā, & uim p̄ferant ostēdere. Quale illud est. Lacedæmonii Philippo. Dionysius Corintho. & rursus cū ad eos scripsisset Philippus, si laconicū agrū inuasero, funditus uos delebo. rescripserunt, Si quidem. Rex etiam Demetrius, cum moleste ferret, unicum tantum ad se oratorem misisse eos, ac propterea uociferās crebro iactaret, unū ad me Lacedæmonii legauerunt? nihil propterea deterritus orator, unū ait ad unū. Séper

enim præcipua in admiratione fuerūt ueteres qui bre-
uiloquio studuere. Et in Apollinis pythii templo, non
Iliadē, Odysseamue, aut Pindari pæanas, Amphistyo-
nes inscripserūt. sed Nosce te ipsum. Ne quid nimis. Et
Fideiussorem detrimētum sequitur, Admirati quip-
pe sunt propositionum concinnam grauitatem, quo-
niam breuissima significatione rotundam sententiam
contineret. Ipse autem Deus nonne in ædendis oracu-
lis, & cōcisior est, & breuiloquentiæ affectator? propte-
reaq; contortus appellatur, quoniam nugacitatem po-
tiusquā obscuritatem declinat, & fugit. Inter homines
etiam nonne illi qui sine uocis ministerio, quæ oportebat,
per symbola enuntiaſſent, maxime laudantur, & in
admiratione sunt? Vt Heraclētus, cum a ciuibz, ut ali-
quam de mutua concordia sententiam diceret, rogare-
tur, pulpitem ascendit, calicemq; frigida impleuit, &
farinam infudit, ac indice imiscuit & bibit. posteaq;
discessit, ut uidelicet eis significaret, q̄ qui in mediocri-
bus contenti fuerint, sumptuosissq; apparatibus mini-
me indiguerint, urbes in pace, concordiaq; seruabunt.
Et Scylurus rex Scytharum cui cētoginta erant filii, cū
morti proximus esset, hastarū fascem afferri petiit, man-
dauitq; adolescentibus, ut itegrum, colligatumq; rum-
perēt. cūq; fatigati destitissent, ipse singulatim lanceas
traxit, & nullo negotio fregit. quo facto fratrem con-
cordiam, beneuolentiamq; si in ea persisterent, munitā
insuperabilemq; sin discordia soluerentur, & debilem,
& instabilem futuram significauit. Igitur si quis hæc, &
huiuscemodi continenter dixerit, atque inculcauerit,

fortasse ab hoc nugandi pruritu, & uoluptate desisteret. Me uero etiā seruus ille maxime incitat, ut rationi obtēperare, ac in sentētia constantissime permanere, quale, quantūq; sit, sæpe ac diu cogitem. P. Piso orator, cum perturbari uerbis non sustineret, seruis mandauit, ut interrogati solum, & nihil amplius loquerētur. Post hæc Clodium e proceribus, cum honorare uellet, inuitari iussit, ac splendido ut æquum erat, apparatu hominem erat suscepturus. Instante igitur hora, alii omnes uocati aderant, Clodius autē adhuc expectabatur. Piso interea nomenclatorem seruum, an adhuc ueniret, exploratum sæpenumero mittebat, cūq; aduersperasceret, ac uenturus iam desperaretur, ad seruum conuersus, nōne ipsum inquit uocasti? uocaui ait ille. quare igitur non uenit? quia negauit. cur statim nō dixisti? quoniā hoc (inquit) me non interrogasti. Hic itaq; seruus erat romanus. Atticus uero etiam fessor, quibus conditionibus facta sit pax, enarrabit, adeo in omnibus consuetudo maximū est, de qua ut iam differere incipiamus, tempus admodum. Non enim tāquam freno aliquo nugacis hominis lingua coerceri potest, sed morbum consuetudine superari necesse est. Primum itaq; te ipsum assuefacias oportet, ut aliquo ex assidentibus interrogāte, quousq; omnes respondere destiterint, taceas. Vt enim Sophocles ait, sicut cōsilij, & cursus, finis idem non est, ita nec responsionis & uocis. Illic enim præcurrentis uictoria est, hic autem si quod satis est, respōderit alter, approbando, laudandoq; beneuoli, modestiq; hominis famam sibi ipsi uendicare optimum erit. sin non satis fe-

D

cerit, tunc & docere quod ignoratur, & si quid desit, supplere sine inuidia licet, idq; nullo modo intempestiuum est. Maxime autem omnium cauere debemus, ne dum interrogatur alter, præoccupemus, præcipiamusq; responsum, & fortasse alias quoq; haud honestum est, cū quid ab alio petitur, quasi alterum, e loco depellere uelimus, profiteri nos. simul enim existimare uidebimur quod petatum ab eo est, ipsum præstare non posse, & eum qui petit, tanquam, a, quibus petere oporteat inexpertum uituperabimus. est autem huiusce modi audacia atq; temeritas maxime contumeliosa. Qui enim hoc præoccupationis genere in respondendo utitur, arrogantiā quandam præferre uidetur, ac si diceret, quid nam homine hoc indiges? Quid enim nouit? me autem præsentē, alium cur interrogare oportet? Nam sæpenumero quosdam percunctamur, non quia nobis responsione sit opus, sed colloquendi suauitate, sermonis consuetudinem, ab his quibus cum loquimur, elicere uolentes interrogare solemus, ut Theetum, Charmidemq; Socrates prouocabat. Similis etiam in neptia est, responsionis locum alteri præripere, ac mētem, auresq; alio conuersas ad se trahere. ac si quis dum osculo suscipi, a, quopiam uoluerit, osculum tu excipiendo præoccupes. uel cum quis alterum aspiciat, ipsum ad te inspiciendum conuertas. nam & si forte interrogatus quis, respondere non possit, quū se paululum continuerit, modestius faciet, ac deinde si ita interrogans exegerit, moderate ac uerecunde, tanquā ad alienam euocationem inuitatus, sese componet

ac respondebit. Qui enim, cum interrogati fuerint, respondendo errauerint, merito, iureq; digni sunt uenia. si quis autem sponte sermonem præripit & resumit, etiam si bene respõderit, ineptus, sin aberrauerit omnino ridiculus est, & ludibrio habetur. Secunda etiam cautio erit, cum proprie, peculiariterq; interrogatur quispiam, tunc enim continentissimum oportet esse nugatorem, & præcipue animaduertere, ne in homines incidat, qui risus & contumeliæ causa eum ad loquendum prouocent, ipse uero insciens & ignarus, adhibita diligentia serio respondeat. Sunt enim otiosi complures qui lusus, uoluptatisq; captandæ gratia quæstiones aliquas fingunt, & huiuscemodi hominibus proponunt, eorumq; loquacitatem excitant. Quod quidem cauere necesse est, nec celeriter ad responsionem prosiliendum est, neq; si sermonis occasionem iecerint, gratiæ haberi uideantur. Sed interrogantis mores, & uitæ consuetudo animaduertenda est diligenter, & si reuera discendi cupidus esse uideatur. Et tamen etiam si omnia illi suppetant, assuefacere qui interrogatur, se ipsum debet, ut inter quæstionem, responsumque, mediore spatium intercedat. in quo & is qui interrogat aliquid addere, si ita libitum erit, possit, & qui interrogatur, quid responsurus sit, considerare ualeat. Neque enim accurrendum statim est, quoniam qui celeri respondendi cupiditate rapiuntur, ipsam interrogationem nondum completam, plerumq; obruunt, & idcirco festinantes aliud responsum pro alio sæpe reddere solent. Pythia uero etiã antequã interrogata fuerit, eadẽ hora

sæpe oraculum efferre consuevit, nec mirum siquidem
Deus, cui ministerium exhibet,
Elinguem & tacitum, surdumq; intelligit unus.
At inter homines, qui concinne respondere uoluerit,
interrogantis mentem expectet necesse est, ut eius pro-
positū certissime assequi possit, ne quod in prouerbio
est, usu ueniat. solet enim de huiuscemodi usurpari,
Aliud petebam. Nā & alias fames ista, & ingurgitatio
nugandi expellenda est, ne tāquam lubricitas quæcūq;
linguæ iam pridem insidens interrogationis sollicitudi-
ne, libentissime efferri uideatur. Hoc modo & Socrates
sitim exturbare consueuerat, postquam enim sese exer-
cuisset, sibi ipse bibere non permittebat, nisi prius cado
euacuato, alterum hauriret, ut pars irrationalis, rationali
obtemperare assuesceret. Tria ergo sunt quæ ad respon-
siones pertinent, genera. Vnum necessarium. Alterum
benignius. Postremum superuacaneum. Verbi causa
interrogante aliquo, an intus sit Socrates, qui prom-
ptus esse noluerit, quasi coactus respondebit, Non in-
tus. quod si laconico etiam more uti uoluerit, & intus,
subticebit, solamq; pronunciabit negationem, ut ipsi
Lacones, cum ab eis per litteras Philippus petiisset, an
ipsum intra urbem suscipere uellent, in charta masculu-
lum, NON, rescripserunt. qui uero benignior fuerit,
intus non est, sed apud Mensarios respondebit. It si
cumulatus addere uoluerit, aduenas ibidem expectat.
At ille superuacuu & nugax, & qui forsitan pauidus ante
Colophonium Antimachum legerit, intus non est, in-
quiet, sed apud Mensarios. hospites enim quosdam

ionicos præstolatur, de quibus ad eū scripsit Alcibiades, qui Mileti est in præsentī, & apud Tisaphernē Regis magni Satrapem uersatur. is pridē Lacedæmoniis suppetias ferebat, nunc Alcibiadis causa ad Athenienses inclinare uidetur. Alcibiades enim in patriam redire cupiens, Tisaphernem in partes transtulit nostras. Et ut breui concludam, octauum Thucididis librum duplicabit, & hominem inundatione quadam uerborum obruet, quousq; Miletum expugnatam, & secundo in exilium actū Alcibiadem enarrauerit. Idcirco in hisce nugacitas, præcipue in officio continenda est, & interrogatio tanquā per uestigium deducēda & calcaribus, interualloq; adhibito, ad interrogantis usum circumscribenda erit responsio. Cameadi, cum magnam apud homines auctoritatem adhuc non esset assecutus, aliquando in Gymnasio differenti, ut uocis contentionem remitteret, mandauit Gymnasii magister, erat enim uocalissimus. cumq; dixisset, tu igitur mihi mensuram uocis da, non inepte subiecit ille, eum apud quem loqueris, tibi do. Similiter etiam responsionis modus ad interrogantis referendus est uoluntatem. Et ut Socrates ab eo cibi, potionisq; genere cauendum esse monebat, quod nō famescētes ad edendū, non sitientes ad bibendum alliceret, sic etiam nugaci necesse est ab eo sermonis genere, quo p̄cipue delectatur, & usq; ad fastidium uti solet, maxime cauere, cumq; sese offerat, ac titillet, omnino aduersari. ut militares homines in pugnis numerandis dicaces sunt. Talem quippe Nestorem introducit poeta, nam crebro uictorias, & res gestas suas

usurpat. eos etiam qui causam in iudicio, industria, solertiaque propria obtinuerint, aut præter spem apud Principes uel Reges grati, acceptique fuerint, nugacitas tamquam morbus quidam facile comitat, & sequitur, ut cōmement, narrentque milies, quomodo introierint, adducti sint, certauerint, differuerint, aduersarios, accusatoresque redarguerint. Postremo quibus uerbis laudati fuerint, sæpe repetat. Lætitia enim exuberans, Vigilantia illa, quæ in comoedia inducit, loquacior est. Dum enim se ipsam sæpe excitat, in narrationibus noua recentiorque semper assurgit. Idcirco ad omnem occasionem, in huiusmodi sermones quasi lubrico in loco stantes labuntur, non solum enim ubi quis doluerit, ibidem & manum habet. uerum ubi uoluptas est in loquendo, uocem ad sese allicit, & linguam ad id circumducit, quod semper memoriarum inhærere cupit. nam & amatoribus etiam maxima iucunditas est in eo sermonum uersari genere, quo rerum amatarum memoria refricetur, adeo ut quando cum hominibus id agere non possint, cum inanimatis loquuntur. O dulcis lestule, Bachis te deum putat. Lucerna felix, dearum maxima, siquidem huic talis uideris. Enim uero ad omnia loquendi genera alba regula (ut in pro uerbiis est) solet esse nugator. uerum tamen quoniam in quibusdam peculiariter affici uidetur, ab illis cauere ac omnino continere se ipsum debet, & quam longissime potest, ab ea cantilena abesse, quæ uoluptatem longiuscule deducendi sermonis inducat. Idem quoque nugatores patiuntur, dum in sermonem earum rerum incidunt, in quibus pro usu, & experiëntia, alios habitu se antecel-

lere putauerint. Cum enī huiuscemodi homo se ipsum amat, gloriæq; cupidior sit, ut cæteris excellentior esse uideatur, plurimam diei partem in hoc genere consumit. Qui multæ lectionis est in historiis, in arte grammatica qui per orbem terrarum uagando errauerit, in extraneorum moribus enarrandis immoratur. qua propter hæc maxime cauenda sunt, irretitur enim huiuscemodi uoluptate nugacitas, & tanquam animal quoddā brutum, ad cōsuetā pabula suapte procedit. Mihi uero admirabilis uidetur Cyrus, quoniam ita cum æqualibus certabat, ut eos non in quibus melior ipse, sed ubi indoctior, minusq; expertus esset puocaret, ne scilicet uictus, si ita casus tulisset, dolore afficeretur, & ipse interea discendo proficere posset. At nugax omnia contra, si enim sermo ex quo doceri possit, inciderit, uel occasio aliqua occurrat, ut aliquid quod prius ab eo ignoratum est, interrogare ualeat, eam quam primum expellit, & excludit, nec breuem sibi ipsi taciturnitatis mercedem comparare sustinet. sed ad extrarias, & a multis iam inculcatas sermonum cōcinnationes quasi circulator defertur, ut apud nos quidā, dum casu duos, tresue historiarum Ephori libros legisset, omne genus hominum quodammodo excruciat, & conuiuia omnia funditus euertebat, cum semper Leuetricam pugnam, & quæ sequuntur, usque ad fastidium enarraret. idcirco Epaminundæ cognomen sortitus est. Verum tamen hoc minimum in eo malorū omnium erit, quin potius ad huiuscemodi studia nugacitatem conuvertere operæ pretium est. Minus enim in loquacitate turpi

No: 2

ate

tudinis inesse uidebitur, si studiosis, literatisq; sermoni-
bus recensendis immodica fuerit, talesq; ut priuatim scri-
bant, ac sine auditoribus differant, adhortandi sunt. An-
tipater stoicus, cum neq; uellet, neq; posset, ut uidetur
coram disputare cum Carneade qui summa eloquentia
præditus, ut torrens quidam in stoicos ferebatur, quoti-
die in eum scribebat. & quia de ratione differendi, argu-
mentandiq; contra ipsum Carneadem multa ineptiora
uolumina ædidi, Calamoboans est appellatus. Nugax
uero, si ab assidentis populi uoce se ipsum ablegauerit,
hæc umbratilis, & domestica scribendi ratio eum minus
molestum his, cum quibus uersabitur, fortasse reddere
poterit. Nam & Canes, cum iram in saxa, lignaq; effude-
rint, hominibus minus nocent. Proderit etiā ipsis maxi-
me, si cum melioribus, aut senioribus uersentur semper.
Dignitatem enim eorum quibuscum erunt, uerebun-
tur, proptereaq; in officio, & consuetudine tacendi se
continebunt. Oportet etiam implicitos imbutosque
assuefactione illa nos esse, ut cum quid dicturi sumus, &
iam uerba ad os usque percurrerint, ratione ac iudicio
adhibito, nos ipsos alloquamur, in hæc prope modum
sententiam. Quod nam est hoc uerbum, linguæ insi-
dens, ac uim inferens? Ad quid in linguam appulsum
est? si id dixerimus, quid assequemur boni? sin tacebi-
mus, quid eueniet mali? Neq; enim sermo tanquam
pondus aliquod aggrauans deponendus est, si quidem
etiam cum prolatus fuerit, similiter manet. aut enim
dum aliquo modo indigent sui ipsius causa, uelut au-
ditoribus emolumento sint, loquuntur homines, aut

Nota:

cōciliādx inuicem uoluptatis, & gratiæ ratione, iucū
diore sermonum uice, locum in quo uersantur, uel ne
gotium quod agunt, tanquam salibus quibusdam cō
dire solēt. Quod si nec dicēti utilitas, nec auditorib. ne
cessitas, nec uoluptas, aut gratia ex eo quod locuturi su
mus, resultaerit, quæ ob causam dicitur? Nam aduer
bia illa, Fultra & Incaſum, nō minus ī uerbis, quā rebus
inēsse usu compertum est. Ante omnia tamē & in hisce
omnibus illud Simonidis in promptu habere, & memi
nisse debemus. Aiebat enim se quod locutus esset, sæ
penumero poenituisse, quod tacuisset, nunquam. Illud
etiam cordi teneamus, q̄ exercitatio omnes difficulta
tes uincit, & superat, siquidem tussim, atq; singultum
homines adhibita diligentia magno cum labore, ac do
lore, quasi per uim sæpe expulerunt. Taciturnitas autē,
non solum res minime siticulosa, ut Hippocrates ait,
uerum etiam sine moeroris, dolorisq; sensu est.

*illud Simonidis
Noi?*

F I N I S.

ROMAE IN AEDIBVS

F. MINITII CALVI

NOVOCOMENSIS

ANNO M.DXXIIII.

MENSE

APRILL